

ZAPISNIK O RADU SA
16. HITNE SJEDNICE SKUPŠTINE KANTONA SARAJEVO, ODRŽANE
03.02.2021. GODINE SA POČETKOM RADA U 10,00 SATI

Predsjedavajući Skupštine Elvedin Okerić (u daljem tekstu: predsjedavajući) je pozdravio sve prisutne i otvorio 16. Hitnu sjednicu Skupštine Kantona Sarajevo koja se održava online.

Prema evidenciji Službe, ONLINE sjednici prisustvuje 31 zastupnika, što je dovoljan broj za punovažan rad i odlučivanje:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Mirza Čelik
5. Mahir Dević
6. Amra Hasagić
7. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

BOSS-BOSANSKA STRANKA – MIRNES AJANOVIĆ

1. Haris Pleho

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić
8. Amra Junuzović-Kaljić

Izostanak sa ove sjednice opravdao je zastupnik Sabahudin Delalić.

Predsjedavajući je informisao da u skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Nadalje, predsjedavajući je podsjetio da je Kolegij Skupštine Kantona Sarajevo na sjednici održanoj 29.01.2021.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja iste dana 03.02.2021.godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit će se danas.

Predsjedavajući je pozvao zastupnike i zastupnice da predlože tačke za dnevni red današnje sjednice.

Za riječ se prijavio zastupnik Mirza Čelik koji je imao poslovničku intervenciju, a nakon njega zastupnik Haris Zahiragić koji je imao tehničke poteškoće u javljanju.

Nadalje, zastupnik Elmedin Konaković se javio za riječ i predložio Prijedlog Budžeta Kantona Sarajevo za 2021.godinu – hitni postupak i Prijedlog Zakona o izvršavanju Budžeta Kantona Sarajevo za 2021. godinu – hitni postupak, kao prve dvije tačke. Neira Dizdarević je predložila Prijedlog Rezolucije o prevenciji i suzbijanju uznemiravanja na osnovu spola i seksualnog uznemiravanja i nasilja u Kantonu Sarajevo kao treću tačku dnevnog reda.

S obzirom na tehničke probleme koje su imali u pristupanju online sjednici Klub zastupnika SDA je zatražio pauzu od 15 minuta.

Shodno prijedlozima zastupnika, dnevni red bi trebao da glasi:

- 1. Prijedlog Budžeta Kantona Sarajevo za 2021.godinu – hitni postupak,**
- 2. Prijedlog Zakona o izvršavanju Budžeta Kantona Sarajevo za 2021. godinu – hitni postupak,**
- 3. Prijedlog Rezolucije o prevenciji i suzbijanju uznemiravanja na osnovu spola i seksualnog uznemiravanja i nasilja u Kantonu Sarajevo.**

NASTAVAK NAKON PAUZE

Prvi govornik nakon pauze bio je Haris Zahiragić je predložio da se Skupština izjasni o inicijativi da se sjednice Skupštine održavaju u budućnosti u sali, te je predložio umanjenje plata do 50% ukoliko se nastavi raditi online. Nadalje, Zahiragić je zatražio da se ponovo obrate zastupnici i zastupnice koji su predlagali dnevni red.

Zastupnik Elmedin Konaković je ponovio prijedloge za dnevni red zbog Kluba zastupnika SDA koji su imali tehničke probleme pristupu online sjednici. Nakon njega za riječ se javila Neira Dizdarević te ponovila svoj prijedlog tačke.

Nakon njih, zastupnik Mirza Čelik se javio za riječ kako bi dao komentar vezano za hitni postupak koji je predložen za donošenje Budžeta i Zakona o izvršavanju Budžeta. Zastupnik Čelik je predložio dopunu dnevnog reda, informacija o realizaciji nastavnog plana i programa škole skijanja.

Poslovničku intervenciju je imao Elmedin Konaković, a nakon njega za riječ se javio Mahir Dević tražeći da se predložene tačke ne razmatraju po hitnom postupku. Sljedeći govornik bila je zastupnica Bibija Kerla koja je govorila o radu Kolegija i Skupštine.

S obzirom da se predlaže razmatranje zakona po hitnom postupku, u skladu s odredbama člana 161. Poslovnika Skupštine Kantona Sarajevo o prijedlozima zakona po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

Stoga u okviru prethodnog postupka uslijedilo je razmatranje prijedloga o hitnom postupku Prijedloga Budžeta Kantona Sarajevo za 2021.godinu.

Ministar finansija Davor Čičić je obrazložio razloge za donošenja Prijedloga Budžeta po hitnom postupku, a u toku njegovog izlaganja poslovničku intervenciju imali su zastupnik Elmedin Konaković i zastupnik Haris Zahiragić.

S obzirom da nije bilo prijavljenih za pitanja i diskusiju, Predsjedavajući je pozvao zastupnike i zastupnice da pristupe izjašnjavanju da se Prijedlog Budžeta Kantona Sarajevo za 2021.godinu donese po hitnom postupku.

Nakon glasanja konstatovano je da je Skupština (22 „za”, 6 „protiv” i 3 „suzdržana”) usvojila Prijedlog da se Budžet Kantona Sarajevo za 2021.godinu donese po hitnom postupku.

Kao drugi materijal u okviru prethodnog postupka bio je Prijedlog Zakona o izvršavanju Budžeta Kantona Sarajevo za 2021.godinu, po hitnom postupku.

Ministar finansija Davor Čičić je dao kratko obrazloženje. S obzirom da nije bilo pitanja i diskusije vezano za hitni postupak predsjedavajući je pozvao zastupnike i zastupnice da pristupe izjašnjavanju da se Prijedlog Zakona o izvršavanju Budžeta Kantona Sarajevo za 2021.godinu donese po hitnom postupku.

Nakon glasanja konstatovano je da je Skupština (23 „za”, 6 „protiv” i 4 „suzdržana”) usvojila Prijedlog da se Zakon o izvršavanju Budžeta Kantona Sarajevo za 2021.godinu donese po hitnom postupku.

Nadalje, predsjedavajući je pozvao zastupnike i zastupnice da se izjasne o prijedlogu Neire Dizdarević i uvrštavanju Prijedloga Rezolucije o prevenciji i suzbijanju uznemiravanja na osnovu spola i seksualnog uznemiravanja i nasilja u Kantonu Sarajevo na dnevni red. Skupština je ovaj prijedlog prihvatila sa 33 glasa „za”.

Zatim je zatraženo izjašnjavanje o inicijativi Harisa Zahiragića o održavanju sjednica Skupštine uživo u sali. Ovaj prijedlog Skupština nije prihvatila (16 „za”, „protiv” 11 i 4 „suzdržana”).

Nakon glasanja zastupnik Mahir Dević je izrazio sumnju u glasanje i zatražio pojedinačno izjašnjavanje zastupnika i zastupnica. U skladu sa zahtjevom, sekretarka Skupštine Aida Zeković je izvršila pojedinačno prozivanje zastupnika i zastupnica.

1. Aljović Hamed ZA
2. Bešlija Vildana PROTIV
3. Bišćević-Tokić Jasmina ZA
4. Čampara Aljoša PROTIV
5. Čelik Mirza ZA
6. Delalić Sabahudin OPRAVDANO ODSUTAN
8. Dević Mahir ZA
9. Dizdarević Neira PROTIV
10. Duraković Jasna ZA
11. Handžić Vibor PROTIV
12. Hasagić Amra ZA
13. Hasanović Senad ZA
14. Hodžić Admela PROTIV
15. Jakupović Vedran PROTIV
16. Junuzović-Kaljić Amra PROTIV
17. Kerla Bibija ZA
18. Konaković Elmedin PROTIV
19. Krstić Danijela PROTIV
20. Marić Zvonko ZA
21. Marjanović Damir SUZDRŽAN
22. Mekić Amel PROTIV
23. Memić Arijana PROTIV
24. Milavica Sead SUZDRŽAN

- 25. Nikšić Damir ZA
- 26. Okerić Elvedin PROTIV
- 27. Pecikoza Fahrudin PROTIV
- 28. Pleho Haris ODSUTAN
- 29. Poturak Dževad ZA
- 30. Srna- Bajramović Segmedina ZA
- 31. Stojanović Igor PROTIV
- 32. Suljević Samir ZA
- 33. Šahman Bilsena SUZDRŽANA
- 34. Viteškić Smiljana ZA
- 35. Vreto Elvis SUZDRŽAN
- 35. Zahiragić Haris ZA

Nakon pojedinačnog izjašnjavanja za je glasalo 15, 14 protiv i suzdržano 4. te je konstatovano da ova tačka nije uvrštena u današnji prijedlog dnevnog reda.

Zastupnik Mirza Čelik je podsjetio da bi naziv njegove tačke bio Informacija o realizaciji škole skijanja za učenike šestih razreda osnovnih škola KS. Ovaj prijedlog za tačku dnevnog reda Skupština je podržala jednoglasno (30 „za”).

PRIJEDLOG DNEVNOG REDA 16. HITNE SJEDNICE, GLASI:

1. Prijedlog Budžeta Kantona Sarajevo za 2021.godinu – hitni postupak,
2. Prijedlog Zakona o izvršavanju Budžeta Kantona Sarajevo za 2021.godinu – hitni postupak,
3. Prijedlog Rezolucije o prevenciji i suzbijanju uznemiravanja na osnovu spola i seksualnog uznemiravanja i nasilja u Kantonu Sarajevo.
4. Informacija o realizaciji škole skijanja za učenike šestih razreda osnovnih škola KS.

SKUPŠTINA KANTONA SARAJEVO JE ZA 16. HITNU SJEDNICU USVOJILA (27 „ZA”, 1 „PROTIV” I 4 „SUZDRŽANA”) DNEVNI RED, KAKO JE I PREDLOŽEN.

AD - 1.

PRIJEDLOG BUDŽETA KANTONA SARAJEVO ZA 2021.GODINU – HITNI POSTUPAK

Uvodno izlaganje imao je ministar finansija Davor Čičić. Nakon njega, Skupštini se

obratio premijer Edin Forto.

Nakon obraćanja članova Vlade predsjedavajući je podsjetio da bi se trebala čuti i mišljenja radnih tijela po ovom Prijedlogu budžeta, te je predložio pauzu od 30 minuta tokom koje bi se sazvala radna tijela, razmotrila Prijedlog budžeta i nakon toga odmah podnijela izvještaj Skupštini.

Nakon pauze, Skupštini su se obratili Aljoša Čampara, Admela Hodžić i Bilsena Šahman.

Poslije izvještaja radnih tijela koja su razmatrala Prijedlog budžeta za 2021. godinu, otvoren je prostor za pitanja. Pitanja po Prijedlogu budžeta za 2021. godinu, postavili su sljedeći zastupnici i zastupnice: Mahir Dević, Mirza Čelik, Zvonko Marić, Amra Hasagić, Haris Zahiragić, Jasmina Bišćević-Tokić, Jasna Duraković, Segmedina Srna Bajramović, Neira Dizdarević, Vildana Bešlija, Amra Junuzović Kaljić, Bilsena Šahman, Admela Hodžić, Vibor Handžić i Elvedin Okerić. Nakon velikog broja pitanja predložena je pauza u trajanju od sat vremena i ista je usvojena sa 25 „za”.

NASTAVAK NAKON PAUZE 15,50

Odgovore na pitanja zastupnika i zastupnica po Prijedlogu budžeta Kantona Sarajevo za 2021. godinu prvo je dao premijer Edin Forto, a nakon njega odgovore su još dali ministar zdravstva Haris Vranić, Davor Čičić, Lejla Brčić, Šteta, ministar prostornog, Aida Hota Muminović, Husić Mehmedović, Ivana Prvulović, ministar kulture i sporta, Adnan Delić, ministar za boračka pitanja. Ovi odgovori su sadržani u stenogramu ove sjednice.

U nastavku otvorena je diskusija po Prijedlogu budžeta Kantona Sarajevo za 2021. godinu, a diskutanti su bili zastupnik Mahir Dević, zastupnica Amra Hasagić, zastupnik Haris Zahiragić, zastupnik Zvonko Marić, zastupnica Jasmina Bišćević-Tokić, zastupnica Amra Junuzović-Kaljić.

Nakon diskusije Amre Junuzović-Kaljić zatražena je pauza u trajanju od 30 minuta od strane Igora Stojanovića.

NASTAVAK NAKON PAUZE

Sljedeći diskutant po Prijedlogu budžeta Kantona Sarajevo za 2021. godinu bio je zastupnik Mirza Čelik, a nakon njega diskusiju je imala Segmedina Srna Bajramović. U nastavku diskusiju su još imali i zastupnica Vildana Bešlija, zastupnica Jasna Duraković, zastupnik Mahir Dević, zastupnik Damir Marjanović i zastupnica Jasmina Bišćević-Tokić.

Nakon iscrpljene liste prijavljenih za raspravu predsjedavajući je pozvao premijera Edina Fortu da iznese stavove Vlade po predloženim amandmanima. Premijer Edin Forto se obratio Skupštini i dao ukratko stavove Vlade po amandmanima te naglasio da su obrazloženja dostavljena u materijalima. Zastupnica Jasna Duraković je dala komentar na stav Vlade po njenom amandmanu te nije tražila izjašnjenje Skupštine. Segmedina Srna Bajramović je zatražila da se Skupština izjasni o njenom amandmanu:

AMANDMAN

„Na razdjelu 20 Ministarstvo zdravstva, TEKUĆI TRANSFERI I DRUGI TEKUĆI

RASHODI, pozicija Tekući transferi pojedincima **otvoriti novi** ekonomski kod “**Obavezno zdravstveno osiguranje za svako neosigurano dijete - osnovni paket zdravstvenih usluga**” i sa razdjela 14 Ministarstva saobraćaja - Direkcija za puteve pozicija **Nabavka stalnih sredstava u obliku prava**, ekonomski kod **821500 Ostala projektovanja** sredstva u iznosu **100.000 KM** preusmjeriti na gore pomenuti ekonomski kod Ministarstva zdravstva.”

Nakon glasanja konstatovano je da Skupština sa 25 „za” usvojila amandman na Budžet Kantona Sarajevo za 2021. godinu kako je i predložen.

Nakon usvajanja ovog amandmana premijer Edin Forto je intervenisao u smislu da se sredstva ne mogu uzimati sa stalnih sredstava Direkcije za ceste i da amandman treba izmjenu. Nakon premijera poslovničku intervenciju imali su zastupnik Mahir Dević i zastupnik Elmedin Konaković.

Zatim se za riječ javila Amra Junzović-Kaljić, tražeći da Vlada razmotri Amandman koji je podnijela.

NAKON AMANDMANA ZASTUPNICI I ZASTUPNICE SU POZVANI DA PRISTUPE IZJAŠNJAVANJU O PRIJEDLOGU BUDŽETA KANTONA SARAJEVO ZA 2021.GODINU.

NAKON GLASANJA KONSTATOVANO JE DA JE SKUPŠTINA (22 „ZA” I 10 „SUZDRŽANIH”) DONIJELA BUDŽET KANTONA SARAJEVO ZA 2021.GODINU.

AD – 2.

PRIJEDLOG ZAKONA O IZVRŠAVANJU BUDŽETA KANTONA SARAJEVO ZA 2021.GODINU – HITNI POSTUPAK

Uvodne napomene po ovom Prijedlogu zakona podnio je ministar Davor Čičić na prethodnoj tački dnevnog reda.

PREDSTAVNICI RADNIH TIJELA NISU TRAŽILI RIJEČ, PITANJA I DISKUSIJE NIJE BILO PA JE PREDSJEDAVAJUĆI POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ZAKONA O IZVRŠAVANJU BUDŽETA KANTONA SARAJEVO ZA 2021.GODINU.

NAKON GLASANJA KONSTATOVANO JE DA JE SKUPŠTINA (22 „ZA” I 9 „SUZDRŽANIH”) DONIJELA ZAKON O IZVRŠAVANJU BUDŽETA KANTONA SARAJEVO ZA 2021.GODINU.

AD – 3.

PRIJEDLOG REZOLUCIJE O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU

SARAJEVO

Zastupnica Neira Dizdarević je podnijela uvodne napomene po ovom Prijedlogu rezolucije a jedini diskutant je bio zastupnik Mahir Dević koji je ispred Kluba zastupnika SDA dao podršku donošenju ove Rezolucije.

S OBZIROM DA NIJE BILO PRIJAVLJENIH ZA DISKUSIJU PREDSEDavajući E ZAKLJUČIO RASPRAVU I POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU REZOLUCIJE O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU SARAJEVO

NAKON GLASANJA KONSTATOVANO JE DA JE SKUPŠTINA JEDNOGLASNO (31 „ZA”) DONIJELA SLJEDEĆU:

REZOLUCIJU O PREVENCIJI I SUZBIJANJU UZNEMIRAVANJA NA OSNOVU SPOLA I SEKSUALNOG UZNEMIRAVANJA I NASILJA U KANTONU SARAJEVO

Seksualno uznemiravanje i nasilje je jedan od najčešćih oblika spolno orijentisanog nasilja, koje se najlakše toleriše i za koji naše zakonodavstvo nema adekvatan mehanizam sankcionisanja. Isto obuhvata neželjena spolna ponašanja koja nužno ne uključuju fizički dodir, a osobu dovode u neugodan i ponižavajući položaj te izazivaju osjećaj srama. Ključni aspekt ovog vida uznemiravanja i nasilja je moć, jer ga često provodi osoba koja je na moćnijoj poziciji od osobe nad kojom se ono provodi, što dovodi do situacije da se seksualno uznemiravanje, to jeste ucjenjivanje legitimira kao alat za ispoljavanje moći i uticaja. Seksualno uznemiravanje se nerijetko tretira kao trivijalan problem koji se s lakoćom može izbjeći i zaustaviti, što najčešće nije tačno. Vrlo često se radi o ponavljanim ponašanjima koja se javljaju kroz duže vremensko razdoblje i za koje žrtva ne može naći sistemsko rješenje. Upravo zbog činjenice da žrtva ne može da dobije adekvatnu podršku sistema, društvo u određenom dijelu pribjegava izjednačavanju uloge počinitelja i žrtve.

U tom smislu mi, izabrani predstavnici građanki i građana Kantona Sarajevo obavezujemo Vladu Kantona Sarajevo da, u saradnji sa ekspertima iz relevantnih polja, izradi i u hitnoj proceduri Skupštini Kantona Sarajevo na usvajanje dostavi:

- a) Prijedlog zakona o sprječavanju i zabrani uznemiravanja na osnovu spola i seksualnog uznemiravanja i nasilja u Kantonu Sarajevo;
- b) Prijedlog pravilnika o pravilima ponašanja poslodavaca i radnika u vezi sa prevencijom i zaštitom od zlostavljanja na radu u Kantonu Sarajevo;
- c) Prijedlog protokola o postupanju u slučajevima prijavljenog uznemiravanja na osnovu spola i seksualnog uznemiravanja i nasilja u Kantonu Sarajevo (u nastavku teksta – Protokol), kojim bi se uveo standardiziran postupak prema žrtvama bez obzira na njihovu dob, mjesto u kojem im se nasilje dogodilo, spol i/ili druge osobne karakteristike, osigurala pravovremena i prema žrtvi usmjerena skrb, koja osigurava emocionalnu podršku i smanjuje rizik od daljnjeg razvoja traumatskih poremećaja, osigurao standardiziran i odgovarajući metod prikupljanja dokumentacije i pohrane fizičkih dokaza posebno obučених stručnjaka/inja što će neminovno dovesti do veće vjerovatnosti identifikacije, procesuiranja i osude počinitelja uznemiravanja na osnovu spola i

seksualnog uznemiravanja i nasilja, osigurala kvalitetna medicinske zaštita žrtvama uključujući pregled, tretman te praćenje zdravstvenog stanja žrtve i osigurala povjerljivost podataka;

- d) Prijedlog odluke o obaveznom donošenju unificiranih i sa Protokolom usklađenih etičkih kodeksa u svim javnim preduzećima, ustanovama, zavodima i fondovima koje su osnovali Kanton Sarajevo i/ili organi jedinica lokalne samouprave ili koji su u većinskom vlasništvu Kantona Sarajevo i/ili organa jedinica lokalne samouprave;
- e) Prijedlog akcionog plana za prevenciju i suzbijanje uznemiravanja na osnovu spola i seksualnog uznemiravanja i nasilja u Kantonu Sarajevo, čiji će primarni cilj biti podizanje javne i pojedinačne svijesti o uzmeniravanju na osnovu spola i seksualnom uznemiravnju i nasilju, kao i edukacija o prepoznavanju i ranom suzbijanju ovakvih oblika uznemiravanja i nasilja;
- f) Prijedlog odluke o obaveznom godišnjem izvještavanju o poštivanju obaveza propisanih Zakonom o ravnopravnosti spolova („Službeni glasnik BiH“ brojevi:16/03 i 102/09) u sklopu godišnjih izvještaja o radu svih svim javnim preduzećima, ustanovama, zavodima i fondovima koje je osnovao Kanton Sarajevo i/ili organa jedinica lokalne samouprave ili koji su u većinskom vlasništvu Kantona Sarajevo i/ili organa jedinica lokalne samouprave.

Mi, izabrani predstavnici građanki i građana Kantona Sarajevo također obavezujemo Vladu Kantona Sarajevo da hitno preduzme korake ka:

- 1. Uspostavljanju ekspertske radne grupe za izradu Akcionog plana za prevenciju i suzbijanje uznemiravanja na osnovu spola i seksualnog uznemiravanja i nasilja u Kantonu Sarajevo, koju će činiti predstavnici Ministarstva zdravlja, Ministarstva unutrašnjih poslova, Ministarstva za rad, socijalnu politiku, raseljena lica i izbjeglice, Ministarstva visokog obrazovanja, nauke i mladih, Ministarstva odgoja i obrazovanja, Univerziteta Sarajevo, Ministarstva pravde i uprave, Udruženja poslodavaca KS, nevladinih organizacija koje se bave prevencijom i suzbijanjem nasilja na osnovu spola i seksualnog uznemiravanja i nasilja i relevantnih radnih tijela Skupštine Kantona Sarajevo;
- 2. Uspostavljanju „Hrabre linije“ za prijavljivanje uznemiravanja na osnovu spola i seksualnog uznemiravanja i nasilja.

AD – 4

INFORMACIJA O REALIZACIJI ŠKOLE SKIJANJA ZA ŠESTE RAZREDE OSNOVNIH ŠKOLA U KANTONU SARAJEVO

Zastupnik Mirza Čelik kao predlagač ove tačke je podnio uvodne napomene te pročitao Prijedlog zaključka o kojem bi se Skupština trebala izjasniti.

S OBZIROM DA NIJE BILO PRIJAVLJENIH ZA PITANJA I DISKUSIJU PREDSEDavajući JE POZVAO ZASTUPNIKE I ZASTUPNICE DA SE IZJASNE O PRIJEDLOGU ZAKLJUČKA.

NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA“) USVOJILA SLJEDEĆI

ZAKLJUČAK

1. Zadužuje se Ministarstvo za odgoj i obrazovanje Kantona Sarajevo, da nastavi sa realizacijom nastavnog plana i programa iz predmeta Tjelesni i zdravstveni odgoj i realizuje u toku školovanja za učenike 6-tih razreda Osnovnih škola u zimskom periodu na uređenim skijalištima u Kantonu Sarajevo.

2. Realizaciju nastave uskladiti sa preporukama Kriznog štaba Kantona Sarajevo.

3. Škole će direktnim sporazumom angažovati predviđeni broj autobusa za prevoz djece.

S obzirom da je dnevni red 16. Hitne sjednice iscrpljen, predsjedavajući Elvedin Okerić se zahvalio svim prisutnim i zaključio rad na sjednici Skupštine Kantona Sarajevo.

Zapisnik izradila:
Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.